



Future-proofing our children

Ditaelo tsa tumelo 1

Setlhogo

Metlholo ya se Modimo – Elisha

Mokaedi wa batsadi
Sekolo sa Tshipi ithutelo lapeng



Go Motsadi

O amogelesegile mo “**Metlholo ya SeModimo - Elisha**” Thuto ya ditaelo tsa tumelo.

Mokwalo o o go fa thutuntsho e potlana gore o ka ruta jang thuto e.

O ka ipaakanya le go ruta thuto e jang

Fa tlase ke maele a go ipaakanya le go ruta thuto e:

Kgato	Tiriso
1.	Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp: https://bit.ly/3NACSSHS
2.	Kgobokanya di dirisiwa tse di latelang go netefatsa fa o ipaakanyeditse thuto e: • Baebele • Mokwalo wa thuto wa PDF o o setseng o baakantswe. • Pena, metako le lekwalo la ngwana, etc. • Setshwantsho sa motshikhinyego se se leng thuso e nngwe • Katakasima le Dipotso le dikgarabo (bogolo jang mo batlhomamisiweng) • Ela tlhoko: 2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tswaledisa lenaneo. 2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wag ago botoka! <i>Tirelo ya sekolo sa tshipi ga e hete metsotso e 45 .</i> 2.3: Thuto e lebaganye (SS1, RI1 kana Tlhomamiso). 2.4: O ka kopa thuso mo morutabana wa gago wa sekolo sa tshipi fa o tlhoka thuso.

3.	Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.
----	---



Go ruta thuto ya sekolo sa tshipi mo lapeng

O ka ipaakanya le go ruta thuto e jang

Re tswelela ka go abalana maele a go ipaakanya le go ruta thuto e:

Kgato	Tiriso
4.	Dira seemo se se siameng, se se senang dikgoreletsi se wena le bana/ngwana le leng fa go tshwanang. Sekai: Nnang mo tafoleng
5.	Bala thuto. E bale gape gore o e tlhaloganye. Lebelela setshwantsho sa motshikinyego go re o tlhaloganye botoka.
6.	Kwala dintlha tsa botlhokwa tse o batlang go di gakologelwa.
7.	Tlhaloganya maikaelelo a thuto a e leng gore ngwana wa gago o tshwanetse go a gakologelwa
8.	Ruta ngwana wa gago thuto ka go jaaka polelo, o ka nna wa bala.
9.	Supegetsa ngwana wa gago setshwantso sa motshikinyego mme o soboke molaetsa.



10.	Laela ngwana go dira tekeletso e mo lokwalong la gagwe la ikatiso
11.	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya batlhomamisiwa.
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlotlhomisa ka thuto e gore o nne le kitso e e oketsegileng
4. Itshwaraaganye le mogokaganyi wa sekolo sa tshipi kana morutabana wa sone go go fa kitso e nngwe..



Thuto

Lesson Title	Metlholo ya seModimo – Elisha
Temana	2 Kings 6: 1-7; 2 Kings 6: 8-20 and 2 Kings 5: 1-18
Maikaelelo a thuto	Bana ba ithute gore Modimo o kgona go dira metlholo ka bantlhanka ba gagwe.

Tshoboko ya thuto:

- Elisha e ne e le motlhatlhami wa ga Elijah e le moporofita wa Iserael.
- Modimo o ne wa dira metlholo e mentsi ka Elisha.
- Motlholo ke fa sengwe se diragala se motho a ka se kgoneng go se dira.

Motlholo 1: Go fodisiwa ga ga Naaman: Bala 2 Dikgosi 5: 1-8

- Naaman, e ne e le ramasole wa ko Syrian, o ne a na le lepero. Mmerekhi wa mosadi wa gagwe a mmolelela gore Elisha o ka mo fodisa. Naaman a ya Israel.
- Naaman a tlhapa ga supa mo nokeng ya Jordan jaaka a ne a laetswe ke Elisha motlholo wa direga, a fola!
- A boela ko go Elisha, a rorisa Modimo a ba a solofetsa go rapela Modimo o o tshelang.

Motlholo 2: Tshipi e a kokobala: Bala 2 Dikgosi 6: 1-7

- Barutwana ba ga Elisha ba ne ba batla go ikagela ntlw e kgolwane.
- Fa ba ntse ba kgaola ditlhare, selepe sa monna yo mongwe sa wela mo metsing.
- Elisha a kgaola thupa mme a e latlhela mo metsing fa selepe se wetseng teng.
- Motlholo o mongwe wa diragala! Selepe, se se dirilweng ka tshipi sa kokobala mme monna a itumela fa a se ntsha mo metsing.

Motlholo 3: Ba Syria ba a fofala: Bala 2 Dikgosi 6: 8-20

- Kgosi ya Syria a simolola ntwale ba Israel mme masole ba laelwa go lalela ba Israel.
- Modimo wa bontsha Elisha maikaelelo a kgosi ya Syria mme Elisha a roma motho go ya go tlhagisa kgosi ya Israel.
- Seo se ne sa galefisa kgosi ya Syria mme a tsaya tshwetso ya go tlhatlhela Elisha.
- Motlhanka wa ga Elisha a tshoga fa a bona masole a Syria ba dikaganyetsa toropo. Elisha a rapela, "Morena, bula matlho a gagwe."



- Modimo a bua matlho a motlhanka mme a bona bogolo jwa Modimo.
- Elisha a rapela gape, mme Modimo a fufatsa ba Syria
- Ba seka ba lemoga Elisha fa a ba isa ko Samaria le ko kgosing ya Israel.
- Elisha a rapela gape mme Modimo wa bula matlho a ba Syria.
- Ka kgakololo ya ga Elisha kgosi ya Iserael y aba fa dijo e bo e ba golola go boela ko kgosing ya bone.
- Kgosi ya Syria a seka a tlhola a letlelela masole a gagwe go tsena ko Iserael.

Thuto e e re ruta eng?

- A re kopeng thuso ya Modimo fa re tsene mo dikgwethong.
- Re kopa thuso ya Modimo jang?
 - Ø Re ka mo rapela.
 - Ø Re ka kopa thuso ya baruti.
 - Ø Re ka kopa kgakololo ya batsadi ba rona.
- Re ka tsaya tsela ya rona kwa ntle ga poifo ka gore ga re nosi. Re rapeletswe.
- Modimo o itse go re fa thuso ka nako e e tshwanetseng.
- A re kopeng thuso ya Modimo ka boikokobetso mme re emele Karabo ka pelotelele.
- Motlholo o mogolo o sa ntse o tla tla, Fa Jeso a tla go re tsaya go ya go nna naye ko legodimong.

Dira tekeletso 1 le 2 le ngwana wa gago.

Karabo ya tekeletso 2:

1. **Modimo o dira** batho ban aba gagwe ka peo diatla tsa mo Apostolo.
2. **ELIJAH** o thatlogetse ko legodimong ka koloi ya molelo.
3. **Jeso o tlile** go re tsaya go re isa gae fa a tla.
4. **Modimo o tsere** Enoch go tswa mo lefatsheng ka gore o ne a boifa Modimo.
5. **ELIJAH o dirile** gore tshipi e kokobale ka gore o ne a fetlola molao wa tlhago.
6. **MOSES o fetisitse** ba Iseraela fa gare ga lewatle le lehibidu.

O Modimo wa metlholo



Dipotso tse dingwe tse re ka di botsang:

1. Elisha e ne e le mang?

Karabo: Elisha e ne e le motlhatlhami wa ga Elijah, e ne e le moporofiti yo o tlotlegang ko Israel mme ditiro tsa gagwe di ne di setswe morago ke metlholo e megolo ya Modimo

Thapelo ya ga Rre le Mme le pele ga thuto:

Modimo o rategang, ke lebogela letsasti le

Segofatsa batsadi le bana botlhe

Mma re ikutlwele boleng teng jwa gago

Segofatsa thuto e re yang go e amogela

Re kopa o re rute go go direla

Re thuse go dira thato ya gago

Gore re golele gaufi le wena

Romela Jeso go tla go re tsaya

Mme re bo re ipaakanyeditse go mo kgatlhantsha

Amen